

VIDEO SCRIPT:

Minnesota Tus Senator Tauj Xub Kom Tau Txiaj Ntsim Rau Hmoob Cov Qub Tubrog.

VO INTRO (0:10) Lub Plaub Hlis Ntuj tim 30, 2025, ces yog txwm kiag 50 xyoo lawm uas lub nroog Saigon tau poob rau cov tubrog Nyabljaj Qaum Teb, ua rau ntsug rog Nyabljaj Teb (Vietnam War) tau xaus tu qab. Nyob rau ntawm Minnesota cov thawj coj tsim cai, Senator Foom Hawj tau ntaus thawj los coj ib tsab cai kom muab txiaj ntsim, nrog rau hwjchim raws cai rau cov qub tubrog, rau cov Hmoob thiab Lostsuas uas tau ua tubrog nrog rau U.S. tua tiv thaiv Tebchaws Lostsuas ntau xyoo dhau los lawm.

(Hawj Soundbite) *“Kuv yug rau xyoo 1965. Kuv yug nyob rau lub khaib tubrog tshav dav hlau hu ua Looj Ceeb. Thawj yam kuv xeevwm tau hauv kuv lub neej ces yog nyob rau hauv lub tshav dav hlau uas tsim zais rau hauv Looj Ceeb ntawd...uas yog tej dav hlau ya mus los. Kuv hnov tej hmoov xuabzeb ya los nplawm kuv lub ntsegmuag. Thiab cov xuabzeb ntawd raug nplawm ya rau txhia qhov chaw thaum lub dav hlau tus kav tis hlau kiv thiab ntuxaj ceev tuaj. Qhov tiag, kuv txiv ua haujlwm rau tom lub tshav dav hlau ua ib tug tubrog cev lus ntawm lub tuamceeb nroog loj thiab rau cov CIA, thiab ho rau cov tubrog Hmoob.*

VO: Xyoo 1961 txog rau 1975, thaum tseem tabtom muaj Ntsug Rog Nyabljaj Teb (Vietnam War) uas feem coob ntawm cov neeg Esxias nyob Minnesota tau muab hu ua Southeast Asia Conflict - cov CIA tau nyas ntshis ntiav txhiab leej tubrog Hmoob thiab neeg Lostsuas tsim tsa tau ib pab tubrog hu ua Special Guerrilla Units (SGU). Nyob rau ntsug tsov rog uas tau txais lub npe hu ua Secret War no, cov npoj tubrog no khiav dejnum rhuav tshem kom tau Nyabljaj Qaum Teb tej lw kev uas siv xa khoom mus los thiab mus pab cawm kom tau U.S. cov tubrog ya dav hlau uas poob dav hlau.

(Hawj Soundbite) *“Lawv tes dejnum hnyav heev....100 tus tubrog Hmoob peem mus pab kom tau ib tug tubrog Meskas. Nej ib puas leej mus pab cawm kom tau ib tug Tubrog Meskas. Muab hais mas, qhov no thiaj yog kiag li zaj yeebyam Saving Private Ryan ntag.”*

VO: Thaum tsov rog Secret War tabtom kub ntshov quas niab ntawd, muaj txog 35,000 tus tubrog Hmoob thiab Lostsuas tau tag txoj sia. Thaum U.S. tau thim tawm nyob xyoo 1975, muaj kev tsim txom tib neeg thoob plaws lub tebchaws, ua rau coob leej raug txhom mus kaw thiab muaj kev tua ntuxav tawm cov neeg uas tau pab Tebchaws Meskas nrog rau lawv tej txheebze tibi. Txhiab leej neeg khiav, nrog kev tu siab quaj ntsuag, peem mus rau cov yeej thojnam tawg rog nyob rau Tebchaws Thaib. Sijhawm dhau mus, coob leej kuj tau kev cawm sia tuaj rau U.S., uas rau Minnesota yog lub xeev muaj cov neeg thojnam tawg rog Hmoob tuaj nyob coob tshawj plaws. [Lub raj Hmoob nrov ntshis lis yeev, yau zuj zus mus ua suab cim cia lawm xwb.] Tiamsis tej kiavtxhab uas los ntawm kev piamsij ua tsov ua rog ces yeej nyob nraim hauv tibneeg lub siab tsis ploj.

SF 2227 Amendment Introduction by Sen. Hawj

[“Rau tsab cai hloov, Senator Hawj. Hawm txog Thawj Pwm Tsav “Mr. President”, kuv thov zeem tsab cai hloov no vim muaj kev taij thov los ntawm tej laus neeg los, xws li cov qub tubrog Hmong Special Guerilla Unit, uas tau nqis tes tua nrog rau ntsug tsov rog Secret War nyob Lostsuas Teb. Nws yog ib tsab cai uas tejzaum yuav hnyav heev rau kuv li vim tias yog kuv li keebkwm thiab kuv livxwm.”]

(Hawj Soundbite) “Vim peb nyob rau ntawm tshav dav hlau/ ces kuv yeej pom lawv coj tubrog tej cev ntim hlab los txhua hnuv li. Kuv xav txog tej no thaum twg ces ua rau kuv tseem mob siab txog (quaj). Thiab coob leej ntawm cov tubrog ntawd yog menyuum yaus xwb, twb tsis hlob kuv ntau li ob xyos.

Senator Foom Hawj, ib tug Hmoob-Meskas, tau siv ntau lub xyoo los txhawb thiab tsa suab thawb kom muaj txiaj ntsim xam pom cov SGU thiab nws tau kub siab khiav dejnum ceev cia kom tau kev pabcuam rau lawv xws li qhov Minnesota GI Bill thiab ho txhawb kom tau nyob cov tsev rau qub tubrog thiab chaw faus cov qub tubrog thaum tag sim neej lawm. Hnuv no, hauv Minnesota ces muaj tsawg tshaj 1,000 leej ntawm cov qub tubrog Hmoob no uas thiab tseem muaj sia nyob lawm xwb.

(Hawj Soundbite) *Zaj dabneeg ntawd tsimyog yuav tau muab coj los piav. Lub Tsib Hlis tim 14, cov kev pabcuam rau cov tubrog Hmoob thiab Lostsuas uas tau koom tua rau ntsug tsov rog Secret War./ 32:16 Tej kev pabcuam lawv xav thov ces twb tsis yog nyiaj txiag, tsuas yog pivtxwv li tej chaw faus thaum tag sim neej lawm 3002:27 laisxee tsav tsheb, daim paib pobtw tsheb, lub zeb qua ntxa thiab kom tau tubrog tuaj sawv sam fwm. 31:43 Yam uas tseemceeb tshaj ces yog kom tau kev hwm thiab lub meejmom. / Koj puas yuav fwm kuv tias kuv yog tubrog thaum uas muab kuv faus lawm.”*

VO: Txoj kev yuav muab kom tau lub meejmom qub tubrog U.S. rau cov tubrog Hmoob thiab Lostsuas kuj ua rau muaj kev hais tsis sib haum, vim ib txhia tsis totaub qhov sijhawm txuas ntxiv, hos ib txhia hais tias txog caij dhau lawm uas yuav tau muab lub meejmom no rau lawv vim tiv lawv nqi tau ntev los lawm.

(Putnam Soundbite) [Cov npojyaig, qho no twb dhau caij heev lawm....Koj piav tsis tau zaj dabneeg ntawm Minnesota yog tias tsis muaj zaj dabneeg ntawm cov Hmoob. Qhov no yog hais txog peb. Cov Hmoob hauv peb lub zejzog thiab tej phoojywg niaj hnuv nim no yeej ua lub neej muaj kev tswj hwm thiab muaj keebkwm los ntawm tej tubrog yav dhau los, uas peb yeej muaj feem fwm tau thiab yuavtsum tau fwm hnuv no mus.”] Floor Session 4/23/25 part 1

(President call for vote:

Cov cai txheeb pabcuam rau cov qub tubrog thiab tej kev pab uas los ntawm tsab cai los, yeej muab lub hwjchim qub tubrog rau lawv vim lawv tau kub siab koom pab nrog rau U.S. tubrog txhaws rau CIA cov kev nyas ntshis tua hauv Tebchaws Lostsuas. Hawj txoj kev tsa txhawb no, uas muaj cag ncau los ntawm nws tsev neeg lub neej ua neeg thojnam tawg rog dhau los, muab tau meejmom rau haiv neeg Hmoob thiab Lostsuas.

Hawj Soundbite.....

VO: Pib ntawm lub neej ua Hmoob thojnam tawg rog xyoo 1975 los rau lub neej nto npe, Senator Foom Hawj tau txais kev pom zoo los ntawm txhua tus hauv Minnesota Senate, tos txais tsab cai muab txiaj ntsim rau thajtsam li 900 leej neeg Hmoob thiab Lostsuas ua qub tubrog ntawm ntsug rog Secret War.

Ib tug txiv neej Hmoob tshuab raj.

Hawj Soundbite: *“Lub koobtsheej uas nco txog, kev nco, ces yog rau cov neeg tau tag sim neej lawm. Lawv tsev neeg, tej tub kis, thiab rau cov uas tau tag sim neej thaum peem hla tus dej Nabkhoom mus rau Tebchaws Thaib. Ntawm kuv tus kheej, kuv yeej ntseeg tau tias cov ntsuj plig ntawm cov uas tag sim neej tsis ncaj ncees yog cov uas txhawb rawv peb txoj kev huaj vam li no.”*

Lub raj nrov thiab pom toj roob hau pes

SGU Lub paj sam fwm.

Ploj zuj zus mus pom dub nciab lawm xwb

Cov Npe Khiav Dejnum

Pom Hmoob lub zos. Sau nplej.

Hawj Soundbite: *“Yog kuv sawv puag saum tej toj roob siab nyob rau Lostsuas teb, mas kuv yuav pom kuv tsev neeg, kuv yawg, kuv pog, tagnrho lub zos.*

Thiab tus ntshiab uas tsuas yog Hmoob xwb thiaj li paub txog, tus ntshiab ntawm daim teg npleg tsw ha ntxiag. Nyob deb ntsia mas ntsuab xiab thiab ntxim qab tshaj

Lub raj nrov yau zuj zus ces pom dub nciab lawm xwb